

म्हारो नाथ अमली रे,
म्हारो शंकर अमली ॥

दोहा भष्मी लगावत शंकर,
लोचन बीच पड़ी जुर के,
ताकी फुफकार शशि को लागी,
अमृत बून्द पड़ी धर पे ।
खाय तुषार बनराय उठचो,
गणराय गयो भाग जंगल में,
सुरभि सुत देखत भाग चली,
तो गवर हँसी मुख यू करके ।
भंग नीली भंग पीली,
भंग पीने में यह नफा,
अंखिया होवे लाल,
दिल बिल्कुल शफा ।
जो नहीं पीए भांग का घूट,
बने मारवाड़ का ऊँठ,
रह जावे टूँठ का टूँठ,
जो नहीं पिये भंग का घूट ।

म्हारो नाथ अमली रे,
म्हारो शंकर अमली,
बागों मायली भाँगइली,
घोटाय राखूली ॥

काई बोवो काशीजी म्हे,
काई ओ प्रयाग,
काई बोवो हर की पेड़ी,
काई ओ कैलाश,
म्हारा नाथ अमली रे,
म्हारा शंकर अमली,
बागों मायली भाँगड़ली,
घोटाय राखूली ॥

काशीजी में केसर बोवो,
चन्दन प्रयाग,
गांजो बोवो हर की पेड़ी,
धतूरों कैलाश,
म्हारा नाथ अमली रे,
म्हारा शंकर अमली,
बागों मायली भाँगड़ली,
घोटाय राखूली ॥

काई मांगे नांदियो रे,
काई रे गणेश,
काई मांगे भोलो शम्भू,
जोगियों रो वेश,
म्हारा नाथ अमली रे,
म्हारा शंकर अमली,
बागों मायली भाँगड़ली,
घोटाय राखूली ॥

रिजको मांगे नांदियो रे,

लाडूड़ा गणेश,
भांग मांगे भोलो शम्भू,
जोगियों रो वेश,
म्हारा नाथ अमली रे,
म्हारा शंकर अमली,
बागों मायली भाँगड़ली,
घोटाय राखूली ॥

कोई चढ़ावे गंगासागर,
कोई काचो दूध,
कोई चढ़ावे बेल पत्र,
कोई ओ भभूत,
म्हारा नाथ अमली रे,
म्हारा शंकर अमली,
बागों मायली भाँगड़ली,
घोटाय राखूली ॥

भांग घोटे नांदियो रे,
छाणे रे गणेश,
भर भर प्याला देवे गवरजा,
पिये रे महेश,
म्हारा नाथ अमली रे,
म्हारा शंकर अमली,
बागों मायली भाँगड़ली,
घोटाय राखूली ॥

गावे सीखे सुणे साम्भले,
बैकुंठा में वास,

सांचे मन सू शिव ने ध्यावे,
पूरे मन री आस,
म्हारा नाथ अमली रे,
म्हारा शंकर अमली,
बागों मायली भाँगडली,
घोटाय राखूली ॥

तीन लोक अर चौदह भवन में,
अनघड़ महादेव,
भगत मंडल री विनती ओ,
दया रखो महेश,
म्हारा नाथ अमली रे,
म्हारा शंकर अमली,
बागों मायली भाँगडली,
घोटाय राखूली ॥

गायक श्याम वैष्णव जी ।
प्रेषक रामेश्वर लाल पँवार ।
आकाशवाणी सिंगर ।
9785126052

Source: <https://www.bharattemples.com/mharo-nath-amli-re-mharo-shankar-amli/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>